



PBOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ŽEPČE
OPCINSKO VIJEĆE

Broj:01-02-127/18

Datum,31.10.2018.godine

Temeljem članka 23. Statuta Općine Žepče ("Službeni glasnik Općine Žepče", broj:4/09), člana 4. Pravilnika o uspostavljanju i vođenju javno-privatnog dijaloga u Općini Žepče (Službeni glasnik Općine Žepče, broj 10/13) Općinsko vijeće na svojoj 19. sjednici održanoj 30.10.2018.godine, utvrđuje

**Pravilnik o proceduri i kriterijima
za izbor članova Lokalnog ekonomskog foruma općine Žepče**

Uvodne odredbe

Član 1.

Ovom Procedurom se detaljno određuje postupak izbora i imenovanja članova Lokalnog ekonomskog foruma Općine Žepče.

Osnovni pojmovi

Član 2.

Lokalni ekonomski forum je savjetodavno tijelo Općinskog vijeća koje se imenuje u svrhu razmatranja svih važnih razvojnih pitanja, koje pomaže u određivanju strateških pravaca razvoja zajednice, predlaže inicijative za poboljšanje poslovnog okruženja, doprinosi uključenju svih važnih aktera u javno-privatni dijalog.

Član 3.

Lokalni ekonomski forum čine predstavnici javnog i privatnog sektora, od čega predstavnici privatnog sektora čini minimalno 50% članstva.

Kriteriji za izbor članova LEF-a

Član 4.

Predstavnici javnog sektora su stalni članovi LEF-a i čine ih predstavnici javnih institucija i to: Predsjedavajući OV, Općinski načelnik, Pomoćnik načelnika za gospodarstvo i financije, Pomoćnik načelnika za graditeljstvo i prostorno uređenje, direktor SMŠ „Žepče“, Ravnatelj KŠC „Don Bosco“, direktor Razvojne agencije Žepče, direktor JP „Komunalno“ Žepče i šef Biroa rada Žepče.

Član 5.

Predstavnici privatnog i civilnog sektora se biraju kao predstavnici privrednih društava i obrta, i civilnih organizacija a kriteriji za izbor članova iz redova privatnog i civilnog sektora su: relevantna zastupljenost svih sektora privrede sa potencijalima za razvoj (najmanje po jedan predstavnik svih najznačajnijih sektora: metaloprerađa, drvoprerađa, tekstil i koža, prehrambeni, uslužni, obrt) mikro, mala i srednja gospodarska društva, žene poduzetnice, predstavnici relevantnih organizacija civilnog sektora i/ili pojedinci.

Predstavnici privatnog sektora imenuju se Rješenjem Općinskog vijeća na mandatni period od četiri godine.

Postupak izbora članova LEF-a iz reda privatnog sektora

Član 6.

Predstavnici privatnog i civilnog sektora u članstvo LEF-a se biraju na sljedeći način, prema predloženim modalitetima:

1. Predlaganjem od strane Općinskog načelnika
2. Predlaganjem članova od strane poslovnih asocijacija koje okupljaju poslodavce, obrtnike, registrirane poljoprivrednike na području općine Žepče,
3. Putem objave Javnog poziva za sudjelovanje u radu LEF-a
4. Prijedlogom sektorskih radnih grupa koje djeluju u okviru LEF-a a kojim rukovodi RAŽ

Član 7.

Postupak se provodi na način da ukoliko se LEF formira po prvom modalitetu, primjenjuje se sljedeći sve do popunjavanja članova LEF-a.

Minimalan broj predstavnika privatnog sektora je 9 a preporučeni maksimalni broj je 14.

1. Predlaganje od strane Općinskog načelnika

Član 8.

Općinski načelnik može predložiti članove Lokalnog ekonomskog foruma prema vlastitoj procjeni. Prilikom predlaganja članova vodi se računa o sektorskoj zastupljenosti te ostalim kriterijima navedenim u članu 5.

2. Predlaganje članova od strane poslovnih asocijacija

Član 10.

Poslovne asocijacije aktivne na lokalnom nivou predlažu predstavnika u LEF-u vodeći računa o kriterijima iz člana 5. ali i već predloženim članovima a o čemu ih obavještava Tehničko tajništvo.

3. Objavu Javnog poziva za sudjelovanje u radu LEF-a

Član 11.

Po zaprimanju prijedloga članova LEF-a na načine iz člana 9. odnosno 10., Općina raspisuje Javni poziv predstavnicima privatnog sektora za učešće u radu LEF-a. Javni poziv će se objaviti na službenim web stranicama Općine i RAŽ-a, putem lokalnih medija i biti će otvoren 7 dana. Javni poziv će sadržavati kriterije navedene u članu 5.

Objavu i realizaciju Javnog poziva vrši RAŽ. Evaluaciju vrši RAŽ, Općinski načelnik i jedan predstavnik privatnog sektora po prijedlogu RAŽ-a.

4. Organizacija sektorskih sastanaka

Član 12.

Ukoliko LEF nije popunjen na prethodne načine, Tehničko tajništvo organizira sektorske sastanke i to za sektore koji nisu zastupljeni u LEF-u. O sektorskim sastancima obavještavaju se poduzetnici direktno i putem elektronskih medija.

Rokovi

Član 13.

Rok za imenovanje članova LEF-a je 60 dana od pokretanja procedure imenovanja novog saziva LEF-a Općine Žepče.

Za predlaganje članova od strane Općinskog načelnika rok je 10 dana. Rok za predlaganje članova LEF-a od strane poslovnih asocijacija je 10 dana. Javni poziv za odabir članova LEF-a trajat će 15 dana. Za imenovanje članova LEF-a rok je 10 dana. Javni poziv trajat će 15 dana.

Imenovanje LEF-a

Član 14.

Po okončanju rokova za imenovanje Lokalnog ekonomskog foruma i evaluiranju pristiglih prijedloga za članstvo u Lokalnom ekonomskom forumu, Tehničko tajništvo priprema prijedlog Odluke koju dostavlja Općinskom vijeću na usvajanje. Po usvajanju Odluke, saziv LEF-a je i formaliziran te se pristupa sazivanju prve sjednice što je obaveza Tehničkog tajništva.

Prijelazne i završne odredbe

Član 15.

Rad LEF-a se detaljnije uređuju Poslovníkom o radu koji se usvaja na prvoj redovnoj sjednici aktualnog saziva. Činjenice koje nisu uređene Poslovníkom, uređuju se Pravilnikom o uspostavljanju i vođenju javno-privatnog dijaloga u Općini Žepče i Politikom vođenja javno-privatnog dijaloga u Općini Žepče.

Član 16.

Gramatički izrazi upotrijebljeni u ovoj proceduri za označavanje muškog i ženskog spola podrazumijevaju oba spola.

Član 17.

Procedura stupa na snagu danom donošenja a objavit će se u Službenom glasniku Općine Žepče.

Dostaviti:

1. Općinski načelnik
2. RAŽ
3. LEF
4. a/a

